



DEO OPTIMO MAX.  
UNI ET TRINO,  
VIRGINI DEI-PARÆ, ET S. LUÇÆ,

Orthodoxorum Medicorum Patrono.

BIU Santé  
Médecine  
Paris

QUÆSTIO MEDICO-CHIRURGICA \*

QUOD LIBETARIIS DISPUTATIONIBUS

*manè discutienda in Scholis Medicorum, die Martis vigesimâ-octavâ  
mensis Martii, anno Domini M. DCC. LXXXVI.*

M. JOANNE MAC-MAHON, Antiquo Exercituum Regis &  
Nosocomiorum Militarium Medico, Regiæ Scholæ Militaris Medico  
ordinario, Doctore Medico, Præside.

*An noxiæ Vulneribus Turunda?*

I.

UT vita Hominis ab Arte & Natura pendet, sic  
ab utrâque conservatur: cujusque sua sunt munia sepa-  
rata vel mixta. Interdum natur ex se sola medicatrix,

\* Propug. anno 1732, Orto-Casimirus BARFEKNECHT.



sæpiùs egena , ni juvetur ab arte. In multis siquidem natura ei quod nobis emolumento esse queat contrarium molitur ac perficit, quoniam ipsa solo instinctu regitur; Ars verò rerum ducitur cognitione ac intelligentiâ: ideoque Medicina plurima præstat supra vires & potestatem naturæ in morborum curatione, ope Chirurgiæ, plus manu proficientis quàm medicamento

## I I.

**E**ST autem Chirurgia antiquissima Medicinæ magistra, atque consistit in duobus, instauratione & detractiōe. Ad instaurationem pertinet deligatio, spleniorum & fulcimentorum usus, sutura & fibularum impositio. Ad detractiōem refertur tractio, propulsio, avulsio, divulsio, solutio etiam continui quæ fit parte durâ, vel molli, vel utrâque. In molli sectio, punctio; in durâ serratio, limatio, rasio & perforatio; in utrâque ustio & excisio. Hujus Chirurgiæ apprime peritum decet esse Medicum, operationem ministris relinquere, qui magisterio Medici dirigantur. Chirurgus verò sit juvenis, Castra sequatur & Noscetia frequentet, ut Vulnerum discrimina cognoscat.

## I I I.

**Q**UAMVIS enim Vulnerum curandorum indicationes sint consimiles, unionis solutionem resarcire, sublata inflammatione per venæ sectionem & refrigerantia, saniei deterfione & Carnis reparatione per exsiccantia & detergentia. Attamen pro variâ partis naturâ, & rei lædentis qualitate aliter tractantur Vulnera. Si Capiti Vulnus inflictum,



etiam leve, non negligendum, cui medetur sanguinis detractio liberalior, si fuerit Os læsum, quod Trepano excindetur. Pectoris Vulnera penetrantia, etiam perfoſſis Pulmonibus, non ſemper lethalia, uberiore & repetitâ ſanguinis detractiōe ſanantur: proinde in magnis Vulneribus corpus inediâ macerabis & exangue reddes. Ratione rei lædentis, ſive contudentis, ſive venenatæ aliter percurantur Vulnera, qualia ſunt ſclopetis. Sed omnia rarò ſolvenda atque medicanda, & niſi profundè ſinuofa ſint aut complicata, non adhibeantur Turundæ.

## I V.

**E**X multiplici Lineamentorum genere quod in tractandis Vulneribus uſurpatur, aliud eſt externum, quod Plumaceolus vulgò dicitur, aliud internum, Turunda dictum. De poſtremo tantum inquiritur, cujus apud veteres plurimæ ſunt differentiæ, quibus indita ſunt nomina à formis & figuris quibus effinguntur, vel à materiâ ex quâ conſtantur, cujus modi ſunt Linteum, Ellychnium, aut Suber, Spongia, radix Gentianæ, Argentum, Plumbum, Stannum, ex quibus efformantur canaliculi, ad implendas Turundarum vices.

**I**NDUNTUR Vulneribus Turundæ ut aperiant & dilatent ad egreſſum puris, vel alieni corporis extractionem. Sed quantum officiunt curationi Vulnerum indè liquet, quod vulnera, ſi recentia, ſunt dolorifica, ideòque non irritanda metu fluxionis, Turundarum intruſione, quas Natura Vulnerum medicatrix nititur ſemper excutere; ſi



vetusta, non egent Turundis, quæ coalitum impediunt  
conservantque ulcera. Deinde Puris continuum effluvium  
sistunt, cujus morâ & putredine magis effodiuntur &  
excavantur ulcera, atque ferina fiunt.

Ergò noxiæ sunt Vulneribus Turundæ.

DOMINI DOCTORES DISPUTATURI.

- |   |   |  |
|---|---|--|
| M. Joannes-Josephus GILLE.  | M. Joannes-Baptista-Adrianus<br>ROSE DE L'ÉPINOY.   | M. Ludovicus-Petrus-Felix-<br>Renatus LE THIEVILLIER,<br>antiquus Facultatis Decanus.  |
| M. Joannes-Josephus-Hieronimus<br>DUCOS.  | M. Josephus-Franciscus BOU-<br>DIER DE LA MOULIERE. | M. Petrus-Maria MALOUEY,<br>Eques, in Sacro Consistorio<br>Regis Senator, Augustissimarum<br>Galliarum Principum<br>Regis amitarum natu mino-<br>rum Archiater.              |
| M. Antonius-Petrus DE-<br>MOVAS, Regis Christianissi-<br>mi Ocularius designatus. | M. Ludovicus-Cyprianus DE<br>MONTAIGU.              | M. Carolus GELE DE SAINT<br>LEGER, Eques, Consilia-<br>rius Medicus Regis ordina-<br>rius, Primi Ordinis & to-<br>rius equestris agminis in exer-<br>citu Medicus primarius. |

Proponebat Parisiis, BERNARDUS - NICOLAUS PLUUNET,  
Parisiensis, Universitatis Medicinæ Monspeliensis Doctor, Saluberrimæ  
Facultatis Medicinæ Parisiensis Baccalaureus A. R. S. H. 1786.

AR OCTAVA AD MERIDIEM.



Typis QUILLAV, Saluberrimæ Facultatis Medicinæ Parisiensis Typographi.